

Zbirka medijskih objava

VladaBrckoDistrikta_kliping_dnevno,
za razdoblje 14. 8. 2019

Broj objava: 15

Internet: 5

Televizija: 1

Štampa: 9

Teme praćenja:

Vlada Brčko Distrikta: 1

Gradonačelnik Brčko: 0

Skupština Brčko Distrikta: 0

Brčko: 14

Vlada Brčko Distrikta:

Internet	Naslov	Da li se u Brčkom krši Zakon o veterinarstvu BiH?		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 13. 8. 2019		
Stranica u zbirci: 6	Autor	Unknown		
	Teme	Vlada Brčko Distrikta		

Brčko:

Internet	Naslov	Njemačka zapošljava medicinare iz BiH, rok za prijave 13. septembar		
Serijski br. 1	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 13. 8. 2019		
Stranica u zbirci: 8	Autor	FENA		
	Teme	Brčko		

Štampa	Naslov	Bajramu se radujem...		
Serijski br. 2	Medij; Doseg	Naša riječ; , Bosna i Hercegovina	Stranica: 6	Površina: 109 cm ²
	Rubrika, Datum	Društvo; 13. 8. 2019		
Stranica u zbirci: 9	Autor	Ag. R.		
	Teme	Brčko		

Televizija	Naslov	Počela likovna kolonija u Brčkom		
Serijski br. 3	Medij; Doseg	Radio Televizija Federacije Bosne i Hercegovine; , Bosna i Hercegovina	17:00	Trajanje: 3 min
	Rubrika, Datum	Federacija danas; 13. 8. 2019		
Stranica u zbirci: 10	Autor	Hukičević Dževida		
	Teme	Brčko		

Internet	Naslov	Brčaci uglavnom dobro podnose ekstremne vrućine		
Serijski br. 4	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 13. 8. 2019		
Stranica u zbirci: 12	Autor	Unknown		
	Teme	Brčko		

Internet	Naslov	Upriličen Bajramski prijem i u Distriktu		
Serijski br. 5	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 13. 8. 2019		
Stranica u zbirci: 14	Autor	Unknown		
	Teme	Brčko		

Internet	Naslov	Brčko: Za neplaćanje dnevnih karata preko 1.000 tužbi u prošloj godini		
Serijski br. 6	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 13. 8. 2019		
Stranica u zbirci: 16	Autor	Unknown		
	Teme	Brčko		

Štampa	Naslov	Svi se pripremaju za popis 2021. osim BiH		
Serijski br. 7	Medij; Doseg	Dnevni avaz; 50.000, Bosna i Hercegovina	Stranica: 5	Površina: 290 cm ²
	Rubrika, Datum	Pogledi; 14. 8. 2019		
Stranica u zbirci: 17	Autor	D. Bašić		
	Teme	Brčko		

Štampa	Naslov	Spec		
Serijski br. 8	Medij; Doseg	Dnevni avaz; 50.000, Bosna i Hercegovina	Stranica: 10	Površina: 35 cm ²
	Rubrika, Datum	Mozaik; 14. 8. 2019		
Stranica u zbirci: 18	Autor	Unknown		
	Teme	Brčko		

Štampa	Naslov	MALO JE POTREBNO "DA NEKOME UČINITE PRIJATNOST#		
Serijski br. 9	Medij; Doseg	Azra; 40.000, Bosna i Hercegovina	Stranica: 22	Površina: 2.873 cm ²
	Rubrika, Datum	Ostalo; 14. 8. 2019		
Stranica u zbirci: 24	Autor	Zaimović Aldina		
	Teme	Brčko		

Štampa	Naslov	Najava trećeg kruga intervju za zapošljavanje medicinaru u Njemačkoj		
Serijski br. 10	Medij; Doseg	Dnevni list; , Bosna i Hercegovina	Stranica: 7	Površina: 70 cm ²
	Rubrika, Datum	Događaji; 14. 8. 2019		
Stranica u zbirci: 25	Autor	Unknown		
	Teme	Brčko		

Štampa	Naslov	Нема мјеста за друге полиције на источној фаници Српске		
Serijski br. 11	Medij; Doseg	Glas Srpske; , Bosna i Hercegovina	Stranica: 5	Površina: 287 cm ²
	Rubrika, Datum	Vijesti dana; 14. 8. 2019		
Stranica u zbirci: 26	Autor	Kulaga Vedrana		
	Teme	Brčko		

Štampa	Naslov	Искорак на еврoсцени		
Serijski br. 12	Medij; Doseg	Glas Srpske; , Bosna i Hercegovina	Stranica: 48	Površina: 20 cm ²
	Rubrika, Datum	Sport; 14. 8. 2019		
Stranica u zbirci: 27	Autor	Unknown		
	Teme	Brčko		

Štampa	Naslov	ARAPI MALO ULAŽU U BIH		
Serijski br. 13	Medij; Doseg	Nezavisne novine; , Bosna i Hercegovina	Stranica: 13	Površina: 101 cm ²
	Rubrika, Datum	Ekonomija; 14. 8. 2019		
Stranica u zbirci: 28	Autor	Indikator		
	Teme	Brčko		

Štampa	Naslov	Najava trećeg kruga intervju za zapošljavanje medicinaru u Njemačkoj		
Serijski br. 14	Medij; Doseg	Poslovne novosti; , Bosna i Hercegovina	Stranica: 5	Površina: 297 cm ²
	Rubrika, Datum	Poslovne novosti; 14. 8. 2019		
Stranica u zbirci: 29	Autor	Unknown		
	Teme	Brčko		



Njemačka zapošljava medicinare iz BiH, rok za prijave 13. septembar

Agencija za rad i zapošljavanje BiH najavila je da će treći krug intervjua za Triple Win projekt zapošljavanje medicinara u SR Njemačkoj u 2019. godini, biti održan od 30. septembra do 4. oktobra, a rok za prijave je do 13. septembra.

Agencija za rad i zapošljavanje BiH najavila je da će treći krug intervjua za Triple Win projekt zapošljavanje medicinara u SR Njemačkoj u 2019. godini, biti održan od 30. septembra do 4. oktobra, a rok za prijave je do 13. septembra.

Triple Win projekt provodi, u ime njemačke vlade Deutsche Gesellschaft für Internationale Zusammenarbeit (GIZ) i Agencija za zapošljavanje SR Njemačke u partnerstvu s Agencijom za rad i zapošljavanje Bosne i Hercegovine, entitetskim zavodima za zapošljavanje i Zavodom za zapošljavanje **Brčko** distrikta BiH, na osnovu Dogovora o posredovanju pri zapošljavanju radnika iz Bosne i Hercegovine u SR Njemačkoj na određeno vrijeme.

U Javnom pozivu za prijavu za zapošljavanje radnika za zdravstvenu njegu u SR Njemačkoj, između ostalog na web stranici Agencije za rad i zapošljavanje BiH, navodi se da se radi o mjestu asistenta za zdravstvenu njegu, do priznavanja diplome u SR Njemačkoj, poslije priznavanja diplome, rad na poslovima kvalifikovanog zdravstvenog radnika.

Aplicirati mogu državljani Bosne i Hercegovine koji ispunjavaju uslove navedene u tom javnom pozivu, ali prednost kod odabira imat će nezaposlene osobe registrirane na evidenciji službi za zapošljavanje u Bosni i Hercegovini.

U uslovima za kandidate kao stepen obrazovanja navodi se minimum srednja medicinska škola (IV stepen), profil medicinska sestra - tehničar opšteg ili pedijatrijskog smjera. Kandidati koji su završili srednju medicinsku školu putem prekvalifikacije ne mogu učestvovati u Triple Win projektu. Poznavanje njemačkog jezika nije obavezno ali je prednost.

Vrsta radnog odnosa, na određeno vrijeme na poziciji asistenta za zdravstvenu njegu do nostrifikacije diplome za zdravstvenog radnika. Nakon nostrifikacije diplome, radni odnos se može zasnovati i na neodređeno vrijeme na poziciji zdravstvenog radnika. Zaposleni ima mogućnost da, nakon određenog perioda, prema Zakonu o boravku stranaca u SR Njemačkoj podnese zahtjev za dobivanje stalne boravišne dozvole.

"U skladu s pozitivnim propisima SR Njemačke nostrifikacija diplome za zdravstvenog radnika je obavezna najkasnije u roku od 12 mjeseci. Početna mjesečna plata iznosi minimalno 2.000 eura (bruto), do priznavanja diplome za zdravstvenog radnika, a poslije nostrifikacije minimalno 2.400 eura (bruto)", navodi se.

Kandidati koji uđu u uži izbor bit će obaviješteni o mjestu i terminu obavljanja intervjua za posao, sa predstavnicima njemačke službe za zapošljavanje. Izabrani kandidati bit će uključeni u projekt 'Triple Win' - regionalne saradnje na migraciji radne snage, koji će kandidatima pružati podršku u pripremi, odlasku (vize) i integraciji u SR Njemačkoj.

Projekt 'Triple Win', u organizaciji njemačke službe za zapošljavanje (BA) i njemačkog društva za međunarodnu saradnju (GIZ), nudi podršku kroz kurseve jezika, kao i kurs pripreme za rad i život u SR Njemačkoj.

Za dodatne informacije o Javnom pozivu, kandidati mogu da se obrate lokalnom birou za zapošljavanje nadležne kantonalne službe u Federaciji BiH, filijale Zavoda za zapošljavanje Republike Srpske, odnosno Zavoda za zapošljavanje **Brčko** distrikta BiH ili Agenciji za rad i zapošljavanje Bosne i Hercegovine sa naznakom 'Triple-Win' projekt.

Da li se u **Brčkom** krši Zakon o veterinarstvu BiH?

utorak, 13 avgust 2019 14:31

Autor **Brcanski forum**

Kategorija: Vijesti **Brčko**



Vlada Brčko distrikta BiH nedavno je raspisala konkurs kako bi se popunilo upražnjeno radno mjesto, odnosno pozicija šefa Pododjeljenja za veterinarstvo, primamljiva pozicija koja donosi više od 2.000 KM mjesečno, neto, na neodređeno vrijeme.

Proces izbora je u toku, a za to vrijeme u javnosti se pojavljuje sve više informacija koje ukazuju da je na pomolu još jedna blamaža aktualne vlasti. Navikli smo već odavno da se radna mjesta u **Vladi distrikta** tretiraju kao politički plijen vladajućih stranaka, kao što smo navikli i na to da se uslovi konkursa prilagođavaju unaprijed odabranim stranačkim favoritima.

Zbog ovakvih pojava vodi se nekoliko policijsko-tužilačkih istraga i vjerovatno će ih biti sve više, uprkos činjenici da do sada nisu donijele nikakve rezultate.

Ipak, čini se da su u ovom slučaju, izboru šefa Pododjeljenja za veterinarstvo, vlastodršci ipak pretjerali u bahatosti, ako znamo da su u potpunosti ignorisali inicijativu koju su gradonačelniku i njegovom zamjeniku uputili iz Upravne inspekcije.

U navedenoj inicijativi navodi se „da se u oblasti veterinarstva na području **Brčko** distrikta BiH primjenjuje Zakon o veterinarstvu u Bosni i Hercegovini u kojem su članom 81. propisani uslovi radnog mjesta“, a koji nalažu da šef Veterinarske službe **Brčko** distrikta BiH može biti službeni veterinar sa položenim stručnim

ispitom i odgovarajućim radnim iskustvom.

Vlada distrikta je, kako smo naveli, u potpunosti ignorirala inicijativu Upravne inspekcije i raspisala konkurs kojim je omogućeno da šef Pododjeljenja za veterinarstvo bude ekonomista ili inženjer poljoprivrede, što je u suprotnosti sa državnim zakonom.

Pred distriktom su, kada je politika zapošljavanja u pitanju, dva moguća puta: Jedan koji podrazumijeva poštivanje zakona i zapošljavanje koje će uvažavati stručnu osposobljenost i relevantne reference; i drugi koji će forsirati stranačke kadrove i vrlo brzo nas dovesti u situaciju da nam zube popravljaju pravnici, zakone pišu vodoinstalateri, a krave oplođuju ekonomisti. I onda se pitamo zašto mladi i stručni kadrovi odlaze sa ovih prostora. Do nas je.



Bajramu se radujem...

ŽEPČE



Bajram-namaz povodom Kurban-bajrama na području Medžlisa IZ Žepče klanjao se na 16 mjesta. Centralna bajramska svečanost u Žepču održana je u prisustvu velikog broja vjernika u čaršijskoj Ferhat-pašinoj džamiji a bajram namaz u gradu klanjao se i u Prečkoj, te u Ali-begovoj –Trzanskoj džamiji. Bajram namaz klanjao je i bajramsku hutbu imatio glavni imam Medžlisa IZ Žepče **Džafer ef. Gračić**. Drugog dana Bajrama u Žepču (ponedjeljak 12.08.) održan je Preporodov Bajramski koncert pod nazivom „*Bajram dođe, bajramu se radujem*„. Cjelovečernji muzičko-zabavni program izveli su gosti: Ansambl pjesama i igara, Mješoviti hor, te narodni i tamburaški orkestar Bošnjačke zajednice kulture Preporod **"Brčko"**. Na koncertu su nastupili i **Medina Zahirović, Ajla Kalesić** te poznata interpretatorica sevdalinki **Vesna Hadžić**. (R.Ag.)

Država: Bosna i Hercegovina

Doseg:


Indeks

Trajanje: 03:00

(pogledaj)

1 / 1

Počela likovna kolonija u **Brčkom**



Brčaci uglavnom dobro podnose ekstremne vrućine



Ekstremno visoke temperature, koje ovih dana vladaju u okruženju, nisu zaobišle ni **Brčko** Distrikt. Živa u termometru juče je u pojedinim dijelovima **Brčko** Distrikta prelazila 40 stepeni Celzijusa.

Putem ankete na ulicama grada mogli smo doznati da Brčaci, uglavnom, dobro podnose visoke temperature, a hronični bolesnici i ranjivije kategorije ljudi koji teže podnose vreline, pridržavaju se terapije ili traže savjet ili pomoć ljekara.



Dr Nadira Suljagić

Dr. Nadira Suljagić, specijalista porodične medicine kazala je da su kod ljudi manifesti visokih temperatura nemir, razdražljivost, nervoza i opšta malaksalost, te sporije i teže funkcionisanje kompletnog organizma.

Ona je preporučila dosta tekućine, provjetren prostor, hladovinu i kretanje u ranim jutarnjim ili kasnim večernjim satima, izbjegavanje alkohola i laganu ishranu.

Kod težih oblika uticaja ekstremnih temperatura na ljudsko zdravlje dr. Suljagić je pomenula uznemirenost, glavobolju, mučninu, povraćanje, povišenu temperaturu, i u takvim slučajevima predložila obaveznu posjetu najbližoj ljekarskoj ambulanti.

Upriličen Bajramski prijem i u Distriktu



Povodom Kurban – bajrama sinoć je Medžlis islamske zajednice Distrikta, zajedno sa zvaničnicima izvršne i zakonodavne vlasti iz reda Bošnjaka u **Brčkom**, upriličio tradicionalni Bajramski prijem.



„Temelj naše vjere se sastoji u nastojanju da se svojim djelima približimo Bogu, te da budemo što bolji prema ljudima. Stoga, sve one koji se neponašaju u skladu sa rečenim, treba tretirati kao ljude koji ne razumiju našu vjeru i ne ponašaju se u skladu sa njom“, rekao je, ovom prilikom, glavni imam Medžlisa islamske zajednice **Brčko** Mustafa ef Gobeljić.

Govoreći, u ime članova izvršne i zakonodavne vlasti, predsjednik Skupštine Distrikta, Esed Kadrić, istakao je da ovakva slavlja i druženja potvrđuju našu opredijeljenost na suživot i toleranciju, te međusobno razumijevanje i uvažavanje.

“Ovakvi skupovi su ujedno i prilika da svi zajedno, malo zastanemo i zapitamo se kud ćemo dalje naprijed i da li donosimo pogrešne odluke. te da li ispravno postupamo“, naglasio je Kadrić.

Inače, zvanično slavlje u povodu Kurban – bajrama biće okončano večeras Bajramskim koncertom na terenu malih sportova „Blatuša“ na kojem nastupa hor Hamza Sarajevo, domaći hor Mošus, te Šejma Mehić.

Početak koncerta zakazan je za 20 sati i 30 minuta, a ulaz je slobodan.

Brčko: Za neplaćanje dnevnih karata preko 1.000 tužbi u prošloj godini



Javno poduzeće „Putevi **Brčko**“ radi intenzivno na izgradnji novih i održavanju postojećih parkirališnih mjesta. Ovog ljeta, kaže zamjenik direktora poduzeća Mato Itrić, pušteno je oko 70 novih mjesta, uglavnom u užem dijelu grada.

U planu je i uređenje dodatnih 100 mjesta, tako da će Distrikt imati oko 1.700 parkirališnih mjesta, od kojih je najmanje pet posto od toga namijenjeno za osobe s invaliditetom.



Mato Itrić

Itrić napominje da je plaćanje dnevne karte obvezno, podsjećajući da je za neodgovorne vozače samo prošle godine pokrenuto preko 1.000 tužbi po ovom osnovu.

„Taj postupak smo zatvorili, dostavili odvjetnicima dokumentaciju, te sudovi vode daljne postupke“, zaključio je Itrić.

Prihodi od parkirališta **Brčko** distrikta na mjesečnoj razini iznose oko 70.000 maraka, koliko iznose i rashodi.



NASA TEMA Neizvjesno je hoćemo li se pridružiti Evropi i regionu

Svi se pripremaju za popis 2021. osim BiH

Strah me da je vrijeme isteklo, kaže Osmić
Bez dogovora, procedura ne može ići dalje,
istaknuli su iz Agencije za statistiku BiH



Prije svega, potrebno
organizirati probni popis

Još je neizvjesno hoće li se i u našoj zemlji 2021. godine, kao u zemljama Evrope i regiona, održati popis stanovništva.

Obnova informacija Nadležni iz državne i

3.531.159
stanovnika u BiH

2.219.220
u Federaciji BiH

1.228.423
u Republici Srpskoj

83.516
u Distriktu Brčko

40
miliona KM koštao
popis

entitetske Agencije za statistiku navode da bi inicijator trebalo biti Vijeće ministara.

- Zависи i od Parlamenta, koji treba odlučiti hoće li podržati zakon. Još ništa nije definirano. Ključna je obnova informacija s entitetskim zavodima za statistiku, sve radi dogovora. Bez dogovora, procedura ne može ići dalje. Ali, moguće je da sve stignemo, jer imamo veliko iskustvo - kazali su nam iz Agencije za statistiku BiH.

No, kako navode stručnjaci, najbitnije je da se izbjegne problem iz 2013. godine, kad Narodna skupština Republike

Srpske nije priznala rezultate.

Amer Osmić, docent na Odsjeku za sociologiju Fakulteta političkih nauka u Sarajevu, kazao je za "Avaz" da Bosna i Hercegovina trenutno nema tačne podatke, jer je došlo do određenih promjena kako zbog prirodnog, tako i zbog mehaničkog kretanja stanovnika.

Ekstremni napori

- Ujedinjeni narodi naveli su u svom izvještaju da je BiH od 2010. do 2019. godine ostala bez skoro 10 posto stanovnika. Mi imamo problem između Agencije za statistiku BiH i Republičkog za-

voda za statistiku RS. Značajno se troškovi mogu smanjiti ako se izvrši digitalizacija - kazao je Osmić.

Govoreći o negativnim posljedicama izostanka popisa 2021., Osmić navodi i gubitak komparacije sa zemljama okruženja i Evropskom unijom.

- Osim u komparativnom smislu, u državi ćemo imati posljedice, jer ćemo sve aktivnosti planirati na osnovu postojećih podataka. Strah me da je vrijeme za 2021. isteklo s obzirom na to da u Srbiji i Hrvatskoj pripreme uveliko traju. Realno, treba uložiti ekstremne napore, ali ono što vidim, bit će vrlo teško. Potrebno je osigurati saglasnosti, ali i velika budžetska sredstva - ističe Osmić.

D. BAŠIĆ



Spec

Saobraćaj na Graničnom prijelazu Doljani jučer je bio pojačan u oba smjera, dok je na prijelazima Donja Gradina, Izačić, Hum i Deleuša bio pojačan na izlazu iz BiH.

Kolone su bile i na ulazu u BiH na Graničnom prijelazu Bosanski Brod, a na ostalim prijelazima zadržavanja nisu bila duža od 30 minuta.

Saobraćaj za teretna vozila i autobuse na saobraćajnicama prema i od mosta Graničnog prijelaza Brčko - Gunja obustavljen je zbog sigurnosnih razloga.



KAĆA DORIĆ

MALO JE POTREBNO DA NEKOME UČINITE PRIJATNOST *ALI ISTO TAKO I DA GA POVRIJEDITE*

Brata i mene su roditelji vaspitavali tako što su nas, umjesto na more, gdje su i druga djeca išla, slali s radnicima, Madarima, koji su radili kod nas, da kopamo kukuruze. Zašto? Pa da vidimo je li lakše učiti ili kopati

RAZGOVARALA: ALDINA ZAIMOVIĆ/FOTO: MARIO KLEIN

Kada ispred sebe imate sagovornika velikog profesionalnog i životnog iskustva, kao autor se uvijek pribijavate klasične zamke – ne pribilježiti i ne podsjetiti na svaki značajan detalj impresivne karijere. Na glumačkom putu Kaće Dorić ih je bilo zaista mnogo. Osim što je svojevremeno ostavila važan trag u tadašnjem matičnom Narodnom pozorištu Sarajevo, u koje je došla odmah nakon što je diplomirala u Beogradu, na Akademiji za pozorište film radio i televiziju, po osnivanju Kamernog teatra 55 će, također, nositi veliki dio repertoara. Malo je riječi koje doajenku sarajevskog glumišta potpuno opisuju. Dok je gledamo s koliko brige, tipične za bake, i ljubavi se ophodi prema svojoj 13-godišnjoj unuci Lari, sjetimo se svih Kaćinih studenata. Koliko li su samo Josip Pejaković, Dragan Jovičić, Zijah Sokolović, danas asovi ovdašnje glumačke scene, imali sreće svojevremeno je imati za profesoricu. Oni koji su pratili njenu karijeru sjetit će se da se relativno rano počela baviti pedagoškim radom u teatru, te studiju glume pri Odsjeku za opću književnost i scenske umjetnosti Filozofskog fakulteta u Sarajevu.

Iako je već godinama u penziji bez daski koje život znače ne može ni danas u 82. godini života. Posljednji veliki teatarski komad koji je igrala bila je predstava „Snijeg“, koju je Dino Mustafić režirao prema istoimenom romanu nobelovca Orhana Pamuka.

Utjelovila je Zahidu, nježnu i brižnu dadilju Svile (Amre Kapidžić) i Kadife (Amile Terzimehić).

- Meni svaki zadatak u posljednje vrijeme znači mnogo. Ovo je treći put da radim s Dinom, iako u nekim intervalima. Vjerovatno je znao i osjetio da mi je potrebno da budem na sceni. Mislim da sam jednom u šali rekla kako je to knjiga koju volim i ako u njoj nema uloga za mene, molim te izmisli je (smijeh). Očigledno nije bilo potrebe da je izmišlja. Svoj prvi ugovor s Narodnim pozorištem potpisala sam sezone '59-'60, dogodine će biti punih 60 godina kako sam tu prisutna. Sada vrijeme donosi svoja ograničenja, ali prosto sam zahvalna toj sreći da povremeno mogu da učestvujem u predstavama. Trenutno ih imam tri na repertoaru, dvije u Narodnom i jednu u SARTR-u. To su predstave koje volim i koje bih voljela i da gledam. Uvijek sam govorila da zavidim publici kad je čujem kako diše, voljela bih i ja da budem s one strane i doživim ono što oni doživljavaju – kaže Kaća na početku razgovora za naš magazin.

Vaša bogata karijera Vam daje pravo da možete komparirati; kako je u današnjem vremenu biti glumac u odnosu na period kad ste Vi tražili mjesto pod Suncem?

- Mislim da nije prijatno, jer nije ni vrijeme. Izgubila se kultura emocionalnog odgoja. Tako malo je potrebno da biste nekome učinili prijatnost i radost, a tako malo da nekoga povrijedite. Bo-

jim se da smo to zaboravili. Recimo, obradujem se kad sretnem neke ljude, ne znam ni ko su ni šta su, ili kad mi neko pokloni osmijeh i javi se. Javim se i ja njemu. Pamtim jednu gospođu, koju više ne srećem, bila je u parku, budući da je išla u tom pravcu, pitala sam je da li ide u bolnicu, odgovorila je: „Ne, idem da prošetam, ali mogu li da vam pokažem sliku unuke koja je maturirala?“. Gledala sam sliku i divila se naravno, i onda mi je bilo žao što nisam imala sliku svoje unuke da joj pokažem, jer su sada sve slike u telefonima.

Koliko ljudi danas posvećuju pažnju pozorištu?

- Nedovoljno. Doduše, ne mogu da sudim, jer nisam u repertoaru, ali kad razgovaram s kolegama za koje vjerujem da su na pravom mjestu, da je pozorište pravo mjesto za njih, da su dovoljno talentirani i posvećeni, i kada ih pitam: „Je li vi znate ko je vaša publika“, ne znaju. Sada je publika slučajna. Nekad se dolazilo da kupiš kartu i obavezno si pitao ko igra, a sad je druga komunikacija. Kupite kartu a da ne vidite blagajnika, ne radi više bife, nemate prije ili poslije predstave da razmijenite s nekim mišljenje, nema više da vas momak povede u izlazak u pozorište, da vam ponudi kartu da idete zajedno na operu. Nekada smo se oblačili drugačije kada idemo u pozorište, planirali smo odlaske. Nešto od svoje publike srećem i danas na ulici koja sa mnom podijeli neke pozorišne utiske... Sada su glumci prepoznatljivi jedino ako se pojavljuju u masovnim medijima i koliko ta pažnja traje, toliko je i njihova prisutnost.

S Vama je danas i Vaša unuka Lara, kažu da djeca čovjeka vraćaju u mladost. Da li Vas njeno djetinjstvo ponekad podsjeti na Vaše odrastanje?

- Nikako. Moje djetinjstvo je bilo za mene divno, ali ne daj Bože za nju. Imala sam 14 godina kada sam prvi put vidjela more. Vojvođanka sam iz sela. Prvi put je radio ušao u našu kuću kada sam bila pred maturu. Imali smo po

većim gradovima razglas koji nas je obavještavao i uveseljavao. Išla sam u drugi razred gimnazije kad smo vozom sa školom išli u Novi Sad da gledamo operu. Operu sam prvi put vidjela tada, dok je moja unuka s tri godine bila na koncertu klasične muzike u Narodnom pozorištu (smijeh). O ovim spravicama (telefonima op.a.), a da ne spominjem neke druge i komplikovanije stvari, ne bih znala bez njene pomoći, niti bih imala kontakta s vanjskim svijetom (smijeh). Mi smo imali u selu i u školi bibliote-

historiju umjetnosti i pozorišnu umjetnost. Kada sam počela da padam u nesvijest na časovima mačevanja i plesa, morala sam da odlučim u kojem pravcu želim da nastavim. Mama mi je rekla da od trenutka kada prestanem studirati po želji mog oca, do kraja nemam nikakvu njenu pomoć. Dakle, toliko su želje roditelja u moje vrijeme bile važne i meni i njima. Mama nije smatrala za potrebno, iako je bila predivna i moćna žena, te poslije pomagala bratu i meni, a do kraja života bila ponosna na sve što smo postigli, da treba da se izvini zbog tog odbijanja. Smatrala je kako je to normalno. Kasnije, kad sam dobila svoje dijete, nisam mogla na kćerku da utječem šta će ona raditi, rekla sam svoju želju, ona je rekla svoju. Da li će unuka Lara nastaviti muzičku školu ili neće, ili pak tenis, to ne znam. Divno je što je svoja, što mnogo lakše postiže neke stvari nego što sam ih ja postizala.

Možete li se prisjetiti svoje bake i vremena koje ste provodili s njom?

- Baku veoma malo pamtim. Rano sam je izgubila, ali pamtim, naprimjer, kako su moja mama i otac imali čudan smisao za pedagogiju. Otac je imao zemlju i mnogo radnika koji su zemlju obrađivali. Nismo bili siromašni, ja nisam čak mogla dobiti ni stipendiju zato što je imao ogromnu zemlju, ali njegova pedagogija je, vjerovatno, slika onoga što bi baka radila. Bila je visoka žena s lovačkom puškom u ruci. Preko ljeta smo živjeli na salašu i ona, kad bi ugledala nekoga koga ne prepoznaje, a po hodu je ljude prepoznavala, pucala bi na metar od njih kako bi ih

upozorila da dalje ne idu. Mene i brata su vaspitavali tako što bi nas umjesto na more, gdje su i druga djeca išla, poslali s radnicima, Mađarima, da kopamo kukuruze. Zašto? Pa da vidimo je li lakše učiti ili kopati. Ako ste im na kraju godine donijeli knjižicu gdje su s ocjenama bili zadovoljni, mogao si da izraziš želju.

Kakve su bile Vaše?

- Jedne godine sam poželjela čamac i dobila sam ga, druge, vazdušnu pušku i dobila sam je. Moje odrastanje je bilo ispunjeno i time što



Kaća sa suprugom

ke, u mojoj kući su bile samo dvije knjige, dok se Larina biblioteka već sada ne može smjestiti na jednu policu. Tako da, između naša dva djetinjstva nema nikakvih dodirnih tačaka.

Jeste li u svemu što ste radili imali podršku roditelja, naročito kad ste odlučili baviti se glumom?

- Moj otac je umro kada sam bila na maturi, želja mu je bila da upišem Filozofski fakultet, dok je mama preferirala da idem na Akademiju, pa sam tako dvije godine uporedo studirala

smo sa salaša trčali da gledamo film u seoskom kinu. Sjećam se prvog kolor filma „Bal na vodi“, brat i ja smo, umjesto da uplatimo menzu za ručak, štedjeli za film. Koliko god puta su ga prikazivali, mi smo toliko puta i išli da ga gledamo.

Kako izgleda vrijeme koje provodite samo s unukom?

- Obično bi čovjek očekivao da baka podučava unuku, a ne unuka baku. Ona mi pokazuje neke isječke iz filmova koji će tek doći, pa mi predlaže zašto bih trebala ili ne pogledati neki film, a strašno se razočara kada je tokom filma pitam: „Ko je ovaj glumac?“. Zajedno pravimo našu čuvenu tortu, jedinu koju znamo i koju bez nje ne bih mogla napraviti. Ona čita recept, a ja radim, te još neka jela... Mnogo nam nedostaje deda.

Pričajte nam o mladosti i periodu studiranja. Koje slike su Vam žive i danas?

- Sve je to vam pameti. Otišla sam u Beograd na prijemni i nisam znala gdje je Akademija. Stigla sam vozom i zamolila milicajca da me odvede do Akademije za pozorišnu umjetnost. Tako se desilo da sam na Akademiju došla u pratnji državne vlasti.

Na spisku nas je tog dana bilo više od stotinu. Pisalo je da treba iznijeti dijalog, a ja nisam shvatila da bih s nekim još trebala da uvježbam, pa sam malo sjedila s jedne malo s druge strane i sama pravila dijalog. U trenutku sam vidjela kako se komisija smije, vjerujući kako je to pozitivna stvar. Predvečer svi su se gurali da vide rezultate, a ja sam bila sigurna da sam položila.

Poslije mi je profesor pričao kako su svi bili protiv, ali, da je profesor Tanhofer, koji je tada primao klasu, rekao: „Ja ovu malu moram primiti, jer ovako nešto nismo imali, da neko nema pojma ni o čemu“. Došao je drugi krug, a ja nisam znala da treba da ostanem pa sam se vratila kući. Za završnu prezentaciju sam se pripremila dok sam čekala svoj red, sve sam naučila, naravno kad je trebalo to otpjevati, nisam imala sluha i vidjela sam da su se tamo komirali i zabavljali, a ja sam sve shvatila pozitivno. Ponovo sam na njegovo insistiranje prošla.

Bila sam sva ufrčkana, a sa mnom su bile beogradske gospođice koje su dovozili mercedesi. Jedna prekrasna balerina Radmila Todorović, koja je čudo, ja to ni na filmu nisam vidjela, a tu sad jedna seljancica s kovrdžavom kosom nešto hoće.

Kakav je bio odnos profesora prema studen-



Kača s unukom Larom

OBIČNO BI ČOVJEK OČEKIVAO DA BAKA PODUČAVA UNUKU, A NE UNUKA BAKU. ONA MI POKAZUJE NEKE ISJEČKE IZ FILMOVA KOJI ĆE TEK DOĆI, PA MI PREDLAŽE ZAŠTO BIH TREBALA ILI NE POGLEDATI NEKI FILM, A STRAŠNO SE RAZOČARA KADA TOKOM FILMA PITAM: „KO JE OVAJ GLUMAC?“

tima u tom vremenu?

- Profesor se brinuo da svaki od njegovih studenata nađe mjesto u teatru. Pozivali su direktore pozorišta iz cijele Jugoslavije koji su nas gledali, birali, nudili stipendije. O nama se neko brinuo. Takva je bila i sama kulturna politika. Recimo, ako ste dobili zajam, bili ste primorani da

svakih šest mjeseci donesete svoje ocjene, da bi se taj zajam produžio ili ukinuo. A ako bi ti sam našao angažman, onda si mogao poslije godinu da ga vraćaš, ili ako si otišao po potrebi nekog pozorišta, onda bi ono preuzimalo na sebe da ga vrati.

Neko je zbog postignutih rezultata bio oslo-



OVAKVO SARAJEVO NISAM SIGURNA DA BIH IZABRALA, ALI NE BIH GA DALA NIKOME

Zbog čega ste toliko dugo ostali u Sarajevu?

- Prosto sam Sarajevo izabrala za svoj grad. Tu sam upoznala predivne prijatelje, imala publiku koja me voljela, sreća svog supruga, tu nam se rodila kćerka, tu sad živi moja unuka. Sarajevo nije ono što je bilo i ne može ni biti, izgubila sam ne samo supruga nego i prijatelje, izgubila sam čitavu jednu generaciju kojoj pripadam. Međutim, živim danas i trudim se da svakog dana sebe častim nečim lijepim. I dalje me raduje kada vidim da je u parku pokošena trava, da neko brine o tome, i strašno se ljutim kad vidim uništene klupe. I ovakvo Sarajevo nisam sigurna da bih izabrala, ali ne bih ga dala nikome.

bođen zajma, pa tako ja nisam morala vratiti zajam, dok ga je moj brat vraćao dvije godine.


Koja je zadnja slika koje se sjećate kad ste napuštali rodnu Vojvodinu?

- Da se ne vratim u selo. To sam znala i sve do prije četiri godine, kada smo prodali kuću, svaki put sam govorila kako je tamo bio moj dom, a život negdje drugdje. Kada sam išla na selo, govorila sam idem kući, a ovdje sam govorila da idem u stan. Moje ambicije su bile daleko više od Sarajevskog narodnog pozorišta. Uvijek su mi se smijali kada sam govorila da se nisam školovala da bih bila prvakinja Narodnog pozorišta, već da igram u Londonu, Moskvi, New Yorku, pa neke su mi se želje ostvarile, a za New York, nadam se, imaću vremena.

Ansablom Drame NP Sarajevo ste postali odmah nakon što ste diplomirali. Koliko Vam je značilo što ste uloge u kulturnim pred-

stavama „Hamlet“, „Tri sestre“, „Osveta ruske sirotoce“, dobili odmah po završetku studija?

- Upravnik me gledao od početka studija i znali su šta kupuju (smijeh). Kada su me angažovali, bila sam godinu na probnom stažu, da ga nisam prošla, ne bih bila tu. U to vrijeme, da biste bili prvakinja, morale su proći godine, sa mnom su prelomili tu granicu, nakon 10 godina sam postala prvakinja s Jolandom Đačić, Olgicom Babić, s divama ovog teatra. Ali, to je bio čudan splet okolnosti. Kao Vojvodanka po nekoj prirodi stvari se pretpostavljalo da idem u Novi Sad, sjećam se večeri kad sam bila na stanici spremna da krenem za Novi Sad, kako bih potpisala ugovor s Novosadskim pozorištem, Boro Drašković je bio na drugom peronu i pitao me gdje idem. On je išao za Sarajevo, ispričao mi je kako je tamo igrao diplomsku predstavu, te mi predložio da idem s njim, da napravimo veliko pozorište. Sve mi je to bilo



primamljivo, promijenim kartu i dodem u Narodno pozorište. Meša Selimović je bio direktor Drame, Strahinja Petrović je bio u komisiji, i ja položim audiciju, prime me na godinu, zavalim Sarajevo, izaberem ga za svoje stanište, odatle ću gostovati u Moskvi, Londonu, New Yorku...

Za vrijeme opsade Sarajeva u Kamernom teatru 55 režirali ste predstavu „Ljubovnici“. Po čemu je pamtite, naročito zbog činjenice što je mnogim Sarajlijama pozorište bi-

lo jedino utočište u teškim danima?

- Vrlo brzo smo zaključili da nam ne treba program za preživljavanje, nedostajao nam je život. Dok su ovi granatirali, mi smo odlučili da vratimo i sebi i Sarajevu osmijeh. Desilo se prvo s „Kosom“, a naročito s „Ljubovnicima“, da su Sarajlijke koje su zaboravile da postoji osmijeh, a i mi smo to zaboravili, odjednom počele da se smiju. Gledala sam svaki put publiku, mlade koji su dolazili, takozvane prve linije, koji su poslije pričali da su se s malo vode u

flaši okupali, žurili su u pozorište i osjećali da je to puni život, a ne preživljavanje, da preko puta njih postoji neko ko se također smije. Na kraju, kada bismo pjevali „La muzica di note“, to je bila katarza u gledalištu, zajedno s glumcima, jer to je bila kao neka apoteoza života i radosti. Igrali smo nekad i predstave kad nismo smjeli otkrivati gdje se igraju, bio je policijski sat i morali smo završiti u određenom roku. Ali se znalo da će se igrati i šta treba da poneseš - parče svijeće.

Uz sve navedeno, peterostruka ste dobitnica Messovog zlatnog lovorovog vijenca, Grand pri nagrade u Brčkom, Specijalne nagrade u Banjoj Luci, dvije u Jajcu... Čime se najviše ponosite u karijeri, a da možete vratiti vrijeme, biste li sve isto ponovili?

- Kad je o teatru riječ, čak bih i greške ponovila,

**U RATU SAM GLEDA LA
SVAKI PUT PUBLIKU,
MLADE KOJI SU
DOLAZILI, KOJI SU
POSLIJE PRIČALI DA SU
SE S MALO VODE U
FLAŠI OKUPALI, ŽURILI
SU U POZORIŠTE I
OSJEĆALI DA JE TO PUNI
ŽIVOT, IGRALI SMO
NEKAD I PREDSTAVE
KAD NISMO SMJELI
OTKRIVATI LOKACIJU,
BIO JE POLICIJSKI SAT.
ALI SE ZNALO DA ĆE SE
IGRATI I ŠTA TREBA DA
PONESEŠ - PARČE
SVIJEĆE**

jer su me one uvijek otrežnjavale. Mislim da sam jedina živa glumica koja nakon premijere predstave nije dobila alpaуз, publika je u tišini izašla od nezadovoljstva i nerazumijevanja. Podjela je bila sjajna; Zvonko Marković, Izet Hajdarhodžić, Darinka Gvozdenković, predstavu je režirao Boro Drašković, jedan od najboljih reditelja. Radilo se o novom komadu, novonapisanom. Tada smo bili jedno desetljeće ispred, publika naprosto ništa od toga nije razumjela, dok smo se mi ponosili onim što smo uradili. Čak se ni toga ne bih lišila.

Uspomena s
ljetovanja s
kćerkom







Najava trećeg kruga intervjua za zapošljavanje medicinaru u Njemačkoj

Agencija za rad i zapošljavanje BiH najavila je da će treći krug intervjua za Triple Win projekt - zapošljavanje medicinaru u Njemačkoj u 2019. godini, biti održan od 30. rujna do 4. listopada, dok je rok za prijave 13. rujan. Triple Win projekt, u ime njemačke Vlade, provode Deutsche Gesellschaft für Internationale Zusammenarbeit (GIZ) i Agencija za zapošljavanje Njemačke u partnerstvu s Agencijom za rad i zapošljavanje BiH, entitetskim zavodima za zapošljavanje i Zavodom za zapošljavanje Brčko Distrikta BiH a temeljem Dogovora o posredovanju pri zapošljavanju radnika iz BiH u Njemačkoj na određeno vrijeme. U Javnom pozivu za prijavu za zapošljavanje radnika za zdravstvenu njegu u Njemačkoj, objavljenom na web stranici Agencije za rad i zapošljavanje BiH, među ostalim se navodi da se radi o mjestu asistenta za zdravstvenu njegu, do priznavanja diplome u Njemačkoj, poslije priznavanja diplome, rad na poslovima kvalificira

nog zdravstvenog radnika. Aplicirati mogu državljani BiH koji ispunjavaju uvjete navedene u javnom pozivu, a prednost kod odabira imat će nezaposlene osobe registrirane na evidenciji službi za zapošljavanje u BiH. Projekt Triple Win, u organizaciji njemačke službe za zapošljavanje (BA) i njemačkog društva za međuna-



rodnu suradnju (GIZ), nudi i potporu kroz tečajevе jezika i kroz tečaj pripreme za rad i život u Njemačkoj. Za dodatne informacije kandidati se mogu obratiti mjesnim biroima za zapošljavanje, nadležne županijske službe u FBiH, filijale Zavoda za zapošljavanje RS-a, tj. Zavoda za zapošljavanje Brčko Distrikta BiH ili Agenciji za rad i zapošljavanje BiH.



Координационо тијело упознало Владу са стањем у вези са мигрантском кризом

Нема мјеста за друге полиције на источној граници Српске

Влада упозната да је Министарство безбједности БиХ упутило приједлог који предвиђа да испомоћ Граничној полицији БиХ на источној граници пружају службеници Федералне управе полиције и кантоналних полицијских агенција. Тај приједлог је одбијен

ПИШЕ: ВЕДРАНА КУЛАГА
vedranak@glassrpske.com

БАЊАЛУКА - На територији Републике Српске до сада је евидентирано 3.300 илегалних миграната, што је скоро дупло више него током седам мјесеци лани, а надлежни истичу да неће дозволити да се крећу без надзора као и да нема говора о доласку припадника других полицијских агенција на источну границу.

Мигрантска криза, која готово двије године не попушта у БиХ, била је једна од тема о којима су расправљали министри у Републици Српској на сједници у понедјељак.

Пресјек стања на подручју Републике Српске направљен је у информацији о раду Координационог тијела за праћење кретања илегалних миграната преко њене територије које предводи директор Полиције РС Дарко Ђулум.

У Министарству унутрашњих послова (МУП)



На испомоћ Граничној полицији БиХ 84 припадника МУП-а Српске
ФОТО: ГЛАС СРПСКЕ

БРОЈ МИГРАНАТА УДУПЛАН У ОДНОСУ НА ЛАНИ

РС потврђено је "Гласу Српске" да су од почетка ове године до краја јула пронашли и предали надлежним агенцијама са нивоа БиХ 3.300 миграната који су илегално ушли у БиХ, док је у истом периоду прошле године евидентирано 1.900 миграната. Највише их је пронађено на подручјима која покривају полицијске управе Бијељина, Приједор и Бањалука, а махом су поријеклом из Пакистана, Ирака и Сирије. Уписано је 14 кривичних дјела која су починили мигранти ове године. На тој листи су крађе, оштећење

и одузимање ствари, разбојништво, повреда или скидање службеног печата или знака те на рушавање неповредивости стана.

Координационо тијело је, према наводима из информације, одржало шест сједница, а у документу су побројани закључци са сједнице половином јуна.

Полиција Републике Српске и у идућем периоду неће дозволити кретање миграната без надзора. Полиција ће, у складу са споразумом, наставити да пружа помоћ Граничној полицији БиХ у заштити границе од преласка и

налних полицијских агенција, чиме би практично обављали послове на територији Српске. На састанку Координационог тијела - оперативног штаба за питања миграција у БиХ, представник МУП-а Српске је нагласио да је то неприхватљиво и такав одговор је упућен Министарству безбједности.

**ЗАТРАЖЕН
ПРИТВОР ЗА МИГРАНТЕ
КОЈИ ПОЧИНЕ ТЕЖА
КРИВИЧНА ДЈЕЛА**

- Такав споразум Гранична полиција није тражила, нити постоје законски услови за доношење таквог споразума, јер министарство може захтијевати доношење само у случају проглашавања ванредне ситуације, а и тада искључиво на захтјев Граничне полиције БиХ - наведено је у информацији.

Потписан је, додају, споразум агенција **Брчко** дистрикта и четири кантона, према којем кантонални МУП-ови пружају помоћ у надзору, али искључиво на подручју своје територијалне надлежности и одговорности.

У информацији је дат осврт и на проблем непродесуирања миграната због неутврђеног идентитета, а који су извршили кривично дјело или прекршај. Подсјетили су да је директор Полиције указао на то на Стратешком форуму руководиоца тужилаштва и полицијских тијела, након чега је закључено да је потребно досљедно примјењивати закон у процесуирању миграната и инсистирати на одређивању притвора за почињања тежа кривична дјела.

Земље поријекла миграната

Пакистан	33,2 %
Ирак	15 %
Сирија	12,3 %

спречавању уласка миграната те наставити да открива криминалне групе и појединце који кријумчаре људе - пише у информацији, а наведено је и да су 84 полицијска службеника из РС ангажована на испомоћ Граничној полицији.

Влада је упозната и да је Министарство безбједности БиХ упутило Савјету министара приједлог споразума о пружању помоћи и оперативној сарадњи у надзору границе којим је предвиђено да испомоћ Граничној полицији БиХ на источној граници пружају службеници Федералне управе полиције и канто-

Мјеста проналазака миграната у 2019.

Полицијска управа Бијељина	803
Полицијска управа Приједор	626
Полицијска управа Бањалука	595



Брчанке започеле припреме Искорак на евросцени

БАЊАЛУКА - Вишегодишње шампионке БиХ, одбојкашице Бимал Јединства започеле су припреме за нову сезону у којој, осим продужетка доминације на домаћим паркетима, желе да направе искорак на европској сцени. У складу са амбицијама, управа је довела Елену Бабић и Анђелку Радишковић, а на паркет се вратила Адиса Хоџић. Клуб су напустиле Милица Јовановић, Наташа Слијечевећ и Милица Ивковић.



Splasnulo entuzijazam arapskih investitora u Bosni i Hercegovini

ARAPI MALO ULAŽU U BiH

SARAJEVO - Entuzijazam u pogledu arapskih investicija u Bosni i Hercegovini, koji je bio naročito izražen prije tričetiri godine, snažno je splasnulo, a iz ovih zemalja dotok kapitala u posljednje dvije godine bio je u odnosu na očekivanja vrlo skroman.

Statistika Centralne banke BiH o stranim direktnim investicijama pokazuje da je iz tri ključne arapske zemlje koje ulažu u našoj zemlji - Saudijske Arabije, Kuvajta i Ujedinjenih Arapskih Emirata - investirano zaključno sa 2018. godinom ukupno 717,6 miliona KM.

To predstavlja tek pet odsto od ukupno uložene 14,29 milijardi KM od 1994. godine, od kada se vodi izračun stranih direktnih investicija.

Od pomenute tri zemlje najviše je investirala Saudijska Arabija - 281,7 miliona KM, slijedi Kuvajt sa 235,3 miliona, dok su Ujedinjeni Arapski Emirati investirali 200,6 miliona.

U posljednje dvije godine iz ovih zemalja pristiglo je nešto manje od 100 miliona stranih direktnih investicija, budući da je saldo na kraju 2016. godine bio 620 miliona KM. U prošloj godini u odnosu na 2017. saldo investicija iz Saudijske Arabije



povećan je za 11,6 miliona KM, iz Kuvajta za 11,7 miliona, dok je iz UAE ostao na istom nivou.

Investicije u BiH stižu i iz drugih zemalja, poput Omara, Bahreina i Katara, ali za njih ne postoji posebna evidencija, nego su svrstane u kategoriju "ostale zemlje", na koje ukupno otpada 371,3 milion KM SDI, a čine 2,6 odsto ukupnih stranih direktnih investicija.

Neki od pompezno najavljenih projekata u zemlji vrijednih više milijardi KM, prvenstveno u sferi nekretnina, ne realizuju se ili sporo napreduju. Mediji često ističu projekt rezidencijalnog naselja Buroj Ozone na Bjelašnici, dvadesetak kilometara od Sarajeva, koji nije odmakao u realizaciji uprkos brojnim najavama investitora, a tu je i niz drugih sličnih projekata čija se gradnja najavljivala širom rubnih dijelova grada Sa-

rajeva, ali i u drugim područjima u BiH.

Uz tradicionalne prepreke kojima se investitori u BiH suočavaju, čini se kako je značajan uticaj na hlađenje arapskih investitora za BiH imala prije tri godine sprovedena opsežna akcija vlasti BiH na otkrivanju stranaca, većinom iz zemalja Zaliwa, koji su na račun fiktivnih firmi kupovali nekretnine u Bosni i Hercegovini, a potom ih često izdavali drugim strancima bez prijavljivanja njihovog boravka.

Sada toga u tolikoj mjeri, kako potvrđuju u Službi za poslove sa strancima, više nema. Mnogi potencijalni investitori vjerovatno nisu imali dovoljno ni informacija o BiH, ili su pogrešno informisani, te su ušli u projekte na talasu povećanog interesovanja za našu zemlju bez odgovarajuće upućenosti i pripreme.

I dok je nekretninski bum koji je potencijalno najavljen splasnulo, najboljim čine se investicije iz arapskih zemalja koje su bile usmjerene u proizvodnju, poput ulaganja "Zeraa Zeraa Agriculture Investment" u "Bosnaplod" Brčko i "Hepok" Mostar, ili recimo investiranje "Al Shiddija" u osnivanje start-up avio-kompanije "FlyBosnia". (Indikator)



TRIPLE WIN PROJEKT

Najava trećeg kruga intervjua za zapošljavanje medicinaru u Njemačkoj

Kandidati koji su završili srednju medicinsku školu putem prekvalifikacije ne mogu učestvovati u Triple Win projektu. Poznavanje njemačkog jezika nije obavezno ali je prednost

Agencija za rad i zapošljavanje Bosne i Hercegovine (BiH) najavila je da će treći krug intervjua za Triple Win projekt-zapošljavanje medicinaru u Saveznoj Republici Njemačkoj u 2019. godini, biti održan od 30. septembra do 4. oktobra, a rok za prijave je do 13. septembra. Triple Win projekt provodi, u ime Vlade Njemačke Deutsche Gesellschaft für Internationale Zusammenarbeit (GIZ) i Agencija za zapošljavanje Njemačke u partnerstvu s Agencijom za rad i zapošljavanje Bosne i Hercegovine, entitetskim zavodima za zapošljavanje i Zavodom za zapošljavanje Brčko Distrikta BiH, na osnovu Dogovora o posredovanju pri zapošljavanju radnika iz Bosne i Hercegovine u Njemačkoj na određeno vrijeme.

U javnom pozivu za prijavu za zapošljavanje radnika za zdravstvenu njegu u Njemačkoj, između ostalog, na web stranici Agencije za rad i zapošljavanje BiH navodi se da se radi o mjestu asistenta za zdravstvenu njegu do priznavanja diplome Njemačkoj, poslije priznavanja diplome rad na poslovima kvalifikovanog zdravstvenog radnika.

Aplicirati mogu državljani Bosne i Hercegovine koji ispunjavaju uslove navedene u tom javnom pozivu, a prednost kod odabira imat će nezaposlene osobe registrirane na evidenciji službi za zapošljavanje u Bosni i Hercegovini.

U uslovima za kandidate kao stepen obrazovanja navodi se minimum srednja medicinska škola (IV stepen), profil medicinska sestra-tehničar opšteg ili pedijatrijskog smjera. Kandidati koji su završili srednju medicinsku školu putem prekvalifikacije ne mogu učestvovati u Triple Win projektu. Poznavanje njemačkog jezika nije obavezno ali je prednost.



Početna mjesečna plata iznosi minimalno 2.000 eura

Vrsta radnog odnosa je na određeno vrijeme na poziciji asistenta za zdravstvenu njegu do nostrifikacije diplome za zdravstvenog radnika. Nakon nostrifikacije diplome radni odnos se može zasnovati i na neodređeno vrijeme na poziciji zdravstvenog radnika. Zaposleni ima mogućnost da, nakon određenog perioda, prema Zakonu o boravku stranaca u Njemačkoj, podnese zahtjev za dobivanje stalne boravišne dozvole.

Početna mjesečna plata iznosi minimalno 2.000 eura (bruto), do priznavanja diplome za zdravstvenog radnika, a poslije nostrifikacije minimalno 2.400 eura (bruto). Kandidati koji uđu u uži izbor bit će obaviješteni o mjestu i terminu obavljanja intervjua za posao, sa predstavnicima njemačke službe za zapošljavanje.

Početna mjesečna plata iznosi minimalno 2.000 eura (bruto), do priznavanja diplome za zdravstvenog radnika, a poslije nostrifikacije minimalno 2.400 eura (bruto).

Kandidati koji uđu u uži izbor bit će obaviješteni o mjestu i terminu obavljanja intervjua za posao, sa predstavnicima njemačke službe za zapošljavanje.